



Na sesión celebrada na data que se indica, adoptouse o seguinte

ACORDO:

Na cidade de Ourense, a dous de marzo de dous mil catro.

Visto o expediente de clasificación do monte como veciñal en man común coa denominación de Veiga e Carpazal, por solicitude dos veciños da Aspra, do concello dos Blancos (Ourense).

Resultando que con data 8 de xuño de 2001, tivo entrada no rexistro da Delegación Provincial da Consellería de Medio Ambiente en Ourense, escrito dirixido ó Xurado Provincial de Montes Veciñais en Man Común asinado polos veciños do lugar da Aspra, concello dos Blancos (Ourense), solicitando se declare o monte *Veiga e Carpazal* como veciñal en man común.

Resultando que o Xurado Provincial en sesión de data 23 de abril de 2002 acordou tomar en consideración o citado escrito e iniciar o expediente de clasificación do monte e dos membros do xurado designáronse instructores do expediente a Belén Bris Marino e Miriam Areal López, que aceptaron tal cargo na mesma sesión. Remitíronse comunicacións dirixidas ós veciños do lugar da Aspra, á Deputación Provincial de Ourense, ao Concello dos Blancos, á Delegación Provincial da





Consellería de Política Territorial, Obras Públicas e Vivenda, á Xerencia Territorial do Catastro, ao Servizo de Montes e Industrias Forestais da Consellería de Medio Ambiente, á Delegación Provincial da Consellería de Política Agroalimentaria e Desenvolvemento Rural e ao Rexistro da Propiedade de Xinzo de Limia. Publicáronse edictos no *Diario Oficial de Galicia* e no taboleiro de anuncios do Concello dos Blancos durante o prazo dun mes segundo consta en dilixencia estendida ó dorso do edicto polo secretario do citado concello, para que durante o prazo sinalado os interesados puidesen comparecer ou intervir nel, en defensa dos seus dereitos, e non consta presentada ningunha alegación..

Resultando que a anotación preventiva de iniciación do expediente, se practicou no Rexistro da Propiedade de Xinzo de Limia, como segue:

Predio nº 7.387, ao Folio 95, do Tomo 679, do Libro 33 dos Blancos.

Resultando que na tramitación do expediente se cumpriron tódalas formalidades legais.

Considerando que o Xurado Provincial de Montes Veciñais en Man Común ten xurisdicción e competencia para coñecer os expedientes de clasificación dos montes que teñan tal carácter a teor do establecido no artigo 9 da citada Lei.





Considerando que o tipo de comunidade xermánica que institúe a Lei de montes veciñais en man común ten como características esenciais as seguintes:

- 1) Que os condominios se unen por vínculos persoais de veciñanza agrupados en parroquias, aldeas, lugares, casaríos ou barrios non constituídos formalmente en entidades municipais;
- 2) Que polo tanto o número de titulares é variable e indeterminado;
- 3) Que o patrimonio colectivo é utilizado e aproveitado polo veciño, en canto membro da agrupación veciñal, faltando a idea de cota no sentido xurídico-romano;
- 4) Que o patrimonio e a participación é inalleable, imprescritible e inembargable; e
- 5) Que a comunidade é indivisible, non podendo os comunciros pedir a "*actio communi dividundo*".

Considerando que segundo informacións e testemuños resulta que os montes citados son aproveitados e posuídos en réxime de comunidade xermánica polos veciños do lugar da Aspra, no concello dos Blancos.

Os datos do citado monte son os que se referencian na parte dispositiva deste acordo.





Considerando que das informacións recollidas resulta que os veciños do lugar da Aspra, están conformes coa clasificación do citado monte como veciñal en man común.

Considerando que a teor do disposto na Lei de montes veciñais en man común o expediente de clasificación se iniciou por acordo do xurado, por instancia dos veciños do lugar da Aspra, para que este xurado puidese acordar a iniciación do expediente de clasificación.

Vista a Lei galega 13/1989, do 10 de outubro, de montes veciñais en man común e o seu Regulamento: o Decreto 260/1992, do 4 de setembro, así como o establecido na Lei de réxime xurídico das administracións públicas e do procedemento administrativo común, do 26 de novembro de 1992.

Visto o Decreto 14/2002, do 24 de xaneiro, polo que se establece a estrutura orgánica da Consellería de Medio Ambiente.

O Xurado Provincial de Clasificación de Montes Veciñais en Man Común, á vista dos antecedentes e fundamentos expostos e por unanimidade dos seus membros:





### ACORDA:

Primeiro. - Clasificar o monte coa denominación Veiga e Carpazal, de 18,5 ha, en conxunto, aproximadamente de superficie a favor dos veciños do lugar da Áspra, no Concello dos Blancos (Ourense), e cos datos que a seguir se relacionan, coma veciñal en man común, en réxime de comunidade xermánica.

Os datos do citado monte son:

Concello: Os Blancos (Ourense)

Denominación do monte: Veiga e Carpazal

Comunidade propietaria: lugar da Áspra

Superficie: 18,5 ha aproximadamente, en conxunto

Monte denominado Veiga:

Superficie 15 ha aproximadamente

Estremas.

Norte. Estrada de acceso ás granxas de Coren e límite co termo municipal de Porqueira.

Sur: monte comunal pertencente aos veciños de Mosteiro (Concello dos Blancos), deslindado polo vértice do peche da nave seguindo a liña imaxinaria que enlaza cos dous marcos da Cova da Veiga, ata o marco da Pipa, chegando ata a





propiedade particular pertencente ao polígono nº 33, parcela nº 252 pertencente a José Dafonte Docampo

Leste: propiedades particulares pertencentes ao polígono nº 33 (parcelas nº 252 pertencente a Jose Dafonte Docampo, nº 253 de María Castro González, nº 274 de Manuel Estévez Pena, nº 303 de Jesús Lama González, nº 306 de Baltasar Castro Nóvoa, e outras propiedades particulares.)

Oeste: Pecho da nave.

Monte denominado Carpazal.

Superficie : 3,5 ha aproximadamente

Estremas:

Norte: propiedades particulares pertencentes ao polígono nº 31 (parcelas nº 68 de Luz Pérez Lama, nº 72 de José Lama Barrio, e outras propiedades particulares) e ao polígono nº 32 (parcelas nº 211 de Jose Blanco Castro, nº 217 de José Lama Barrio, e outras propiedades particulares).

Sur: propiedades particulares pertencentes ao polígono nº 31 (parcela nº 46 de José Loureiro Salinas), e ao polígono nº 32 (parcelas nº 243 de Luz Pérez Lama, nº 252 de Julián Lama Barrio, nº 263 de Josefa Pena López, e outras propiedades particulares.)





Leste: propiedades particulares pertencentes ao polígono nº 31 (parcelas nº 18 de José Pena Dacal, nº 46 de José Loureiro Salinas, nº 52 de Manuela Araújo Suárez, nº 62 de Daniel Castro González, e outras propiedades particulares).

Oeste: propiedades particulares pertencentes ao polígono nº 32 (parcelas nº 211 pertencentes a José Lama Barrio, nº 236 de José Loureiro Salinas, e outras propiedades particulares).

O límite coas propiedades particulares atópanse delimitados mediante muros de pedra e valados na terra.

O límite co monte veciñal de Mosteiro, atópase delimitado mediante marcos de pedra.

Segundo.- Que se proceda á exclusión do citado monte de calquera inventario, catálogo ou rexistro público no que poidan figurar inscritos a favor de persoa ou entidade distinta á que agora se asigna a súa pertenza.

Notifíquese esta resolución ó concello dos Blancos (Ourense), aos representantes da comunidade veciñal, ó Servizo de Montes e Industrias Forestais da Consellería de Medio Ambiente, aos que se lles fará saber que esta resolución, que pon fin á vía administrativa, pode ser obxecto de recurso de reposición potestativo perante o Xurado Provincial de Clasificación de Montes Veciñais en Man Común de Ourense, no





prazo dun mes, ou recurso contencioso-administrativo perante o Xulgado do Contencioso-Administrativo de Ourense no prazo de dous meses, ámbolos dous prazos a partir do día seguinte ó da publicación no *Diario Oficial de Galicia* (artigos 109 e 116 da Lei 30/1992, do réxime xurídico das administración públicas e do procedemento administrativo común e artigos 8 e 46 da Lei 29/1998, do 13 de xullo, reguladora da xurisdicción contencioso-administrativa.)



The block contains several handwritten signatures and a circular official stamp. The stamp is from the 'XUGADO PROVINCIAL DE MONTES VECINALES EN MAN COMÚN DE OURENSE'. There are four distinct signatures: one on the left, one above the stamp, one below the stamp, and one to the right of the stamp.

